

«Парасат» кәсіподағы балаларды Жаңа жылмен құттықтады

Әл-Фараби атындағы Қазақ ұлттық университеті қызметкерлерінің «Парасат» кәсіподағы Студенттер сарайында университет қызметкерлерінің балаларына арналған «Еліміздің үздік жаңажылдық шоуы» атты мерекелік қойылым ұйымдастырып, Жаңа жыл мерекесімен құттықтады.



Келесі кезекте сыйлықтар халықаралық қатынастар және шығыстану факультеттерінде табысталды. Онда да балақайлар кәсіподақ өкілдеріне өлең мен биге ұласқан қысқаша концерт қойды. Түске қарай Аяз ата ҚазҰУ қалашығына келіп, сыйлықтарды табыстау рәсімін бас корпус – ректоратта аяқтады. Бірақ балаларға арналған жаңажылдық тосын сыйлар мұнымен шектелген жоқ.

Кәсіподақ ұйымы мен университет әкімшілігінің қолдауымен жас көрермендер «Жаңажылдық зомбилер» атты мерекелік бағдарламаны тамашалады. Спектакль сюжетінде Жаңа жыл түні қарсаңында мерекені ұнатпайтын бір тентек бала Жер плане-

тасының барлық балаларын сыйлықтардан айырғысы келетін жаңажылдық зомбилер ұялаған құпия қорапты ашты. Олардың басты міндеті – балаларды телефондар мен планшеттерге тапжылмастан үйіліп отырғызу. Алайда басты кейіпкерлер жаңажылдық зомбилерге тойтарыс береді. Осы қызықты оқиғаның қалай аяқталатынын білу үшін «Парасат» кәсіподағы балаларды Ө.А. Жолдасбеков атындағы Студенттер сарайында өткен Мұрат Мұртұғановтың «Жаңажылдық зомби» спектакліне шақырды. Спектакль бүлдіршіндердің көңілінен шықты.

Әлия ТҰРМАХАНБЕТОВА,
Қаржы және есеп кафедрасының оқытушысы

Мереке қарсаңында ҚазҰУ қызметкерлерінің 2500 баласына жаңажылдық сыйлықтар табысталды. Тәттілерге толы қоржындарды Аяз ата мен басқа да ертегі кейіпкерлері үлестірді. Алғашқы болып балаларға арналған сыйлықтар философия және саясаттану, жоғары оқу орнына дейінгі білім беру факультеттеріне бұйырды. Кәсіподақ комитетінің өкілдерін декан орынбасарлары, кәсіподақ ұйымдастырушылары мен мерекенің басты кейіпкерлері – балалар қарсы алды. Олар Аяз атамен би билеп, жұмбақтар шешіп, өлең оқыды.

Биология мұражайына саяхат

ҚазҰУ-дың жоғары оқу орнына дейінгі білім беру факультетіндегі Жоғары оқу орнына дейінгі дайындық кафедрасы шетелдерден – Қытай Халық Республикасы, Моңғолия, Ресей, Иран, Өзбекстан елдерінен келген жастарымызды аталған кафедраға тыңдаушы ретінде оқуға қабылдады. Осы оқу жылында 22 топ құрылып, әр топта 10 тыңдаушы білім алуда.



Осыған байланысты таяуда білім алушылар кафедрамыздағы «Жас биолог» үйірмесінің жетекшілігімен биология факультетінде орналасқан ғылыми мұражайға саяхат жасады. Олар көптеген мәліметтерге қанығып, сұрақтарына жауап алды. Мұражайдың бай экспонаттарымен танысты, оның ішінде тірі организмдердің тіршілік ету аймақтарымен презентациялау бойынша көріп, мол ақпаратқа қанықты. Сонымен қатар Қызыл кітапқа енген өсімдіктер

мен жануарлар дүниесі туралы да білімдерін толықтырды. Қазақстанның қорықтары, оның табиғаты мен қорғалатын фауна-флорасымен танысып, олардың фотосуреттерін тамашалады. Жер бетінен жойылып кеткен Тұран жолбарысының тұлыбын көрді. Керқұл, қасқыр популяциясы, бұлан т.б. жануарлармен жақын танысты.

Одан кейін білім алушыларды биология факультетінің қысқаша тарихымен таныстыра отырып, факультеттің Биологтар және биоресурстар кафедрасы жайында мәлімет берілді. Саяхат соңында тыңдаушылар мұражайдың жеке альбомына тілек жазып, қолтаңба қалдырды.

«Алдымызда әлі білім алу жолында талай белес, асу бар, оны меңгеру міндетіміз», – деп тұжырымдады саяхат-сабақтан жігер алған тыңдармандар.

Айнагүл ҮСЕНБЕКОВА,
жоғары оқу орнына дейінгі білім беру факультетінің аға оқытушысы

Қазір биология және химия пәндерімен байланысты мамандық таңдаған бірнеше топ аталған пәндер бойынша білім алуда. Олар болашақта медицина, биология, биотехнология, генетика, экология, ауыл шаруашылығы, спорт, т.б. салалардың мықты маман иесі болуды көздеген жастар. Білім алушылардың биология ғылымына қызығушылығы айтарлықтай жоғары, бәрін білгісі, көргісі, оқығысы келеді.



ҚҰРМЕТТІ ОҚЫРМАН!

«QAZAQ
UNIVERSITETI»

ГАЗЕТИНЕ ЖАЗЫЛУ ЖЫЛ БОЙЫ ЖАЛҒАСАДЫ

Газетке жазылу индексі: 64787

- «Qazaq universiteti» газеті – 75 жылға жуық тарихы бар іргелі басылым.
- Газет 2022 жылдың қаңтар айынан республика көлемінде таратылады.
- Басылымда елдегі және университеттегі айтулы жаңалықтар қамтылады.
- «Qazaq universiteti» газетіне жазылып, өз мақалаңызды ұсынуға сіздің де мүмкіндігіңіз бар.
- Егер сіз әлеуметтік осал топтағы студенттерге «Qazaq universiteti» газетін жаздырып, рухани қолдау білдіргіңіз келсе, Halyk bank QR қосымшасы арқылы төлем жасай аласыз.
- Ол үшін Halyk bank қосымшасы арқылы QR-кодты суретке түсіріп, белгілеу (назначение) бөлімінен «Qazaq universiteti» газетіне жазылу» деген бөлікті толтыру керек.
- Ал республика көлеміндегі оқырмандар үшін «Қазпошта» АҚ-ның барлық бөлімшелері қызмет көрсетеді.



«ҚАЗПОШТА» АРҚЫЛЫ ЖАЗЫЛУ БАҒАСЫ:

	Аудан/ауыл	Қала
6 айға	1853,22 теңге	1743,57 теңге
12 айға	3706,44 теңге	3487,14 теңге

Ғылым және жоғары білім саласындағы жаңалықтармен танысқыңыз келсе,
«QAZAQ UNIVERSITETI»
газетіне жазылуды ұмытпаңыз!

Тарату бөлімінің байланыс телефоны: 377-32-86, ішкі: 1486
+7 747 325 6874

Халықаралық жарыста үздік атанды

Әл-Фараби атындағы Қазақ ұлттық университетінің 4-курс студенті Эльдар Шекербек Таиландта өткен «Oceanman – 2022» халықаралық жарысында 1-орынды жеңіп алды.



«Oceanman» сайысы – ашық суда теңіз немесе су айдындарында жүзуден жарысатын әлемдік бәсеке. Оған биыл 1200 спортшы қатысты. Эльдар ашық теңізде 5 шақырымды 1 сағат 10 минутта жүзіп өтіп, үздік нәтиже көрсетті.

Жүзу шеберлерінің басын қосатын байрақты жарыс жыл сайын кеңінен қанат жайып келеді. «Oceanman Almaty-Karagay 2021» сайысы

шілде айында Қазақстанда өткен болатын.

Айта кетсек, жас спортшы шілде айында Қапшағайда өткен «Оушенмен Казахстан» сайысында да абсолютті чемпион атанды.

Әйгерім ӘУЕЗХАНҚЫЗЫ

ҚҰРЫЛТАЙШЫ:

Әл-Фараби атындағы Қазақ ұлттық университеті

Әл-Фараби атындағы Қазақ ұлттық университетінің Басқарма Төрағасы – Ректоры
Жансейіт ТҮЙМЕБАЕВ

Ақпарат және коммуникациялар департаментінің директоры
Қаншайым БАЙДӘУЛЕТ

Бас редактор: Гүлнар ЖҰМАБАЙҚЫЗЫ
Жауапты хатшы-дизайнер: Талғат КІРШІБАЕВ
Тілшілер: Қайыржан ТӨРЕЖАН, Гүлзат НҰРМОЛДАҚЫЗЫ, Нұрбек НҰРЖАНҰЛЫ
Фототілші: Марат ЖҮНІСБЕКОВ
Корректор: Күләш ҚАДЫРБАЕВА

МЕКЕНЖАЙЫ:

- 050040, Алматы қ., Әл-Фараби даңғылы, 71, ректорат, 3-қабат, №305, 307 бөлме. Байланыс телефоны: 377-33-30, ішкі: 32-28, тікелей: 377-31-48.
- Электронды мекенжай: kaznugazeta@gmail.com
- Газет редакцияның компьютер орталығында теріліп, беттелді. «Everest» баспаханасында басылды.

Кезекші редактор: Нұрбек НҰРЖАНҰЛЫ

Бағасы келісім бойынша.

Газетке жазылу индексі: 64787

Таралымы – 1000

- Жарияланған мақаладағы автор пікірі редакцияның көзқарасын білдірмейді.
- Редакцияға түскен қолжазба қайтарылмайды, үш компьютерлік беттен асатын материалдар қабылданбайды.
- «Qazaq universitetine» жарияланған мақала көшіріліп басылса, сілтеме жасалуы міндетті.
- Жарнама мәтініне жарнама беруші жауапты.